



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Martini Martinii Tridentini E Societate Jesu Sinicae
Historiae Decas Prima**

Martini, Martino

Monachii, 1658

Decimusquartus Imperator Cungkia. Imperavit annis XXXI.

urn:nbn:de:hbz:466:1-11848

DECIMUS TERTIUS IMPERATOR.
K I N U S.

Imperavit annis XXI.

*Cyclo 14. anno
18. ante Christum
anno 1800.*

Pater nos annos, hoc est, unum & viginti in imperio asseditus est, tranquillo admodum & felici. Neque de hoc quidquam memorabile habetur, nisi quod regnum non optimâ fide acceptum bonis artibus retinuit. Paternæ tamen virtutis commendatio nihil filio ad spem regni ac successionem profuit. Eo enim post parentis obitum præterito, ad justum heredem postliminiò regnandi ordo rediit.

DECIMUS QUARTUS IMPERATOR
C U N G K I A.

Imperavit annis XXXI.

*Cyclo 14. anno
39. ante Christum
anno 1879.*

Tandem imperium bis debitum totiesque præceptum CUNGKIA, ut PUKIANGI filius, obtinuit. Sed post tam diuturnam moram adhuc tamen citius, quam reipublicæ utilitas ferrebat, regnare coepit. Mox enim ut se in eo fastigio collocatum circumspexit, modestiam & frugalitatem penitus dediscens, voluptati se in ipso imperij aditu totum mancipavit, femineo nomini factis etiam consentientibus. Ergo neglecta boni publici ac virtutis curâ, negotia regijs ministris, se verò totum luxui & seminarum amoriibus permisit. Neque pensi quicquam habuit, quales essent, boni an mali, quorum consuetudine gaudebat, contrà quam ab ejus majoribus factitatum; sed cuiusque merita ex adulandi artificio aestimans, eos habuit alijs chariores, qui assentando ipsius flagitia honestis nominibus tegebant. Hinc præcipua munia penes adulatores fuere. Quibus vitijs ad suæ stirpis à regno deinceps demovendæ perniciem viam aperuit. Nam plurimi è regulis beneficiarijs eo contempto tanquam indigno, cui parenterent, palam in eum obsequium exuere cœperunt. Neque sic è eterno

terno expergiscens, nullo remedio conatus est eos in officio continere, voluptatum pertinax, tot annorum femina verius quam Imperator. Tandem flagitijs finem mors imposuit. Filium habuit C A U M nomi-
ne, tam vitiorum, quam regni heredem.

DECIMUS QUINTUS IMPERATOR
C A U S.

Imperavit annis x i.

C A U S ergo mali corvi malum ovum, patris mores imitatus, flo-
renti adhuc ætate seipsum delicijs ac nimia venere ante diem
confecit, relicto titubantis imperij successore F A U O.

*Cyclo 15. anno
20. ante Christum
anno 1848.*

DECIMUS SEXTUS IMPERATOR.

F A U U S.

Imperavit annis x ix.

F A U U S nullà re alià fuit memorabilis, quam perditissimi filij
K I E I successione, nemini posthac ex ea gente continuandâ.
Ejus enim scelere imperium tanto tempore in eadem familia
retentum in aliam translatum est, uti dicemus. Unde enim imperia
nisi virtute subsistant? cui, ut sua initia debent, ita non alijs rationi-
bus servari queunt, quam quibus inchoata sunt.

*Cyclo 15. anno
21. ante Christum
anno 1838.*

H D E C I -